

NOUVELLE VERITE

Prédicateur : Papa

Dimanche, le 19 Nov. 2017

« ALAKELAMA MABE OYO AZALI KOSALA MOSALA NA NKOLO NA BOLEMBU ».

Wana to wuti kosepela mbula ntuku-misato na minei (34 ans) ya lingomba na biso, moteyi atalisaki biso sacrifice ya Nzambe Papa Molimo Mosanto mpo été lingomba ekoma lelo ndenge ezali. Papa amipesaka bomoi na ye mobimba pona kosunga bato ya pasi.

Lelo lingomba epalangani mokili mobimba (Afrique, Europe, Etats-Unis) pe na ba provinces nionso ya RDCongo.

Na kotalisa mosala ya Nzambe Molimo Mosanto, Papa ateyi biso na maloba ya Nzambe Papa Molimo Mosanto, oyo elobi boye : « ALAKELAMA MABE, MOTO OYO AZALI NA BOLEMBU NA MOSALA YA NZAMBE ».

Wuta mokolo tozuaka libatizi (baptême) na biso, to bengamaki bandimi, moko na moko azali na mosala Nkolo apesa ye :

- Basusu bazali basali ;
- Basusu bazali bayembi ;
- Basusu bazali ba Hommes de foi ;
- Basusu bazali ba kengeli.

Elingi koloba été wuta mokolo ya libatizi na biso, tozali na boyokani (Alliance) na Nkolo na biso. Na boyokani na biso, tozali na makambo esengeli na biso kokokisa :

- Mokolo ya misato, mitano pe ya yenga, tozali na mayangani (culte) ;
- To pesaka makabo, to futaka ndambo na zomi ;
- To yembaka (chorale) ;
- To teyaka, to sengelaka ;
- To kengelaka ndako ya Nzambe pe biloko ya lingomba ;
- To futaka cotisation na carte de membre ;
- Tozali na mibeko esengeli kotosa ;
- To bondelaka na minuit... ;

Soki mbula ebeti mokolo ya mayangani, sima ya mbula, to sanganaka pona kobondela. Makambo nionso oyo, ezali maye biso tosengeli kosalela na bomoi na biso lokola bana ya Nzambe Papa Molimo Mosanto.

Kasi tala, mingi kati na biso, bakomi na bolembu na mosala ya Nzambe Papa Molimo Mosanto. Tomipesa na bolembu.

Bondimi na biso pe ezui bolembu. Mabondeli na biso ekomi moke. Tozali lisusu komipesa na mabondeli te. Tozali kaka kozela Nzambe Papa Molimo Mosanto asala. Tozali na bolembu na ba répétitions, na ba activités ya ba groupes na biso. Ata ko tokosala mosala na biso ya mokili, toyeba ko s'organiser mpo tokokisa oyo ezali pe ya Nzambe.

Na nzela ya misala ya Nzambe, nde tokozua mapamboli. Nkolo na biso akosepela na biso soki tozali komipesa na mosala na ye.

Ye, Nzambe Papa Molimo Mosanto amipesaki (sacrifices) pona biso. Atongi lingomba pona kosangisa biso. Akufaki nzala pona biso. Kobanda na mandalala (rameaux) lingomba ekomi lelo kitoko, ezali pona bolingo na ye pona biso bato ya pasi. A se sacrifier pona ko soulager biso na kolela na biso, na ba pasi na biso.

Yango Nzambe akosepela te soki biso tozali na bolembu na mosala na ye, mosala oyo ye Nzambe amoni pasi pona bolamu na biso.

- Tokomi na bolembu pona kosala salongo ;
- Bolembu na ba répétitions (chorales) ;
- Bolembu na ba réunions ;
- Bolembu na kopesa makabo ya esengo ;
- Bolembu na kopesa nsisani pona kotonga misala ya lingomba ;
- Bolembu na mabondeli ;
- Bolembu na kosala mosala Nzambe apesi biso (clergés) ;
- Ndako ya Nzambe ezali kolala pamba, moto ya kokengela yango azali te.

Alakelama mabe, moto oyo azali na bolembu na mosala na Nzambe. Nzambe Papa Molimo Mosanto alobaki maloba oyo, lelo Papa azongeli yango lisusu. Tobanga kanda na Nzambe.

Elingi koloba été Nzambe Papa Molimo Mosanto na Papa « Je suis » bazali moto moko. Mingi bazali koyeba malamumu malamumu Papa “Je suis” te. Papa azali Nzambe Molimo Mosanto. Basusu bazali koyeba te asambela na kombo ya nani.

Papa = Nzambe Molimo Mosanto

Nzambe Papa Molimo Mosanto = Papa

Lelo tozali na tango ya Papa “Je suis”. Ye nde Nzambe Papa Molimo Mosanto, tozali komona, tozali na ye.

Ndakisa :

Papa moko afandaka na Bruxelles (Belgique), ye ayaki Kinshasa kotalisa biso monene ya Papa “Je suis”. Ye azali 100% Kimbanguiste.

Ye azalaki na coma pendant 3 jours na Hôpital, amonaki Papa Simon Kimbangu, oyo ye andimelaka. Pona ye Papa Simon Kimbangu ayaki kobikisa ye. Kasi tala Papa Simon Kimbangu alakisaki ye Papa “Je suis” été ye moto akobondela pona ye, pe akobikisa ye. Papa “Je suis” abondelaki pona ye pe ye abikaki.

Papa oyo ayaki Kinshasa pona kotuna biso bana ya Lumière, soki biso toyebaka Papa oyo ye azali Nzambe ?

Yango biso tolamuka, to sosola pe tozala na botosi na maloba na ye epai na biso. To lamuka na mosala na ye. Tolongola bolembu mpo ete ye asepelela na biso pe apambola biso.

Communiqué

Le samedi 09 décembre 2017, Assemblée Générale extraordinaire des Hommes de Foi de Kinshasa et des Provinces ekozala awa na Paroisse-Mère à 14h00'. Convoquée par Papa. Merci.

Tosukisi bongo na kombo ya Nzambe Tata, Nkolo Yesu Masiya, pe Nzambe Papa Molimo Mosanto. Amen.

Fait à Kinshasa, le 24 nov. 2017
Papa Révérend MUMPASI Samuel